

玉海



040
1000:60
34868

海卷第一百五十一

浚儀王應麟伯厚甫

兵制

劒戟刀

釋名劒檢也所以防檢非常

口謂之鐔鼻謂之
鞘謂之室編謂之衣

戟格也旁有枝格刀到也以斬伐到其所乃擊之

也

其末曰鋒
其本曰環

黃帝鳴鴻刀

拾遺記

一云洞
冥記

帝解鳴鴻刀賜東方朔方朔曰此刀

黃帝時採首陽之金鑄為此刀雄者已飛雌者獨在

萬曆丁亥年

卷一百五十一

監生賀本昌刊

洞冥記黃帝採首山之金始鑄
爲刀顧頊有畫影劍騰空劍

管子葛盧之山出

金蚩尤制爲劍鎧矛戟雍狐之山出金蚩尤以爲雍
狐之戟芮戈

舜吳刀

呂氏春秋帝舜殛鯀於羽山副之以吳刀
大副之吳刀是用出焉

禹劍

刀劍錄

陶弘景撰

夏禹字高密以庚戌八年鑄一劍長三

尺九寸後藏之會稽秦望山腰上刻二十八宿文有
背面面記星辰背記山水日月少康辛卯三年春鑄

一銅劔上有八方面長三尺一寸頭方

殷寶劔

伊尹佩刀

列子衛孔周其祖得殷帝之寶劔曰含光承影霄練此三寶傳之十三世矣刀劔錄太甲以甲子歲鑄一劔文曰定光武丁以戊子歲鑄一劔銘曰照膽周昭王瑕鑄五劔以投五嶽

文選王褒頌注魯連子曰伊尹負鼎佩刀以干湯文子曰呂望鼓刀而入周騷經呂望鼓刀遭周文而得舉也鼓鳴也

周文王錄劔 古良劔

荀子性惡篇繁弱鉅乘古之良弓也繁弱封父之弓鉅乘史記曰距

來桓公之葱大公之闕文王之錄莊君之習蓋閭之

于將莫邪鉅闕辟閭此皆古之良劍也注齊桓公錄大

公周文王楚莊王之劍名皆未詳所出葱青色也錄

與其類也習劍光采慌忽難視以形為名也闕未詳

或曰劍至利則喜闕因以為名鉅闕亦是也于將莫

邪鉅闕皆吳王闕閭劍名新序云辟閭巨闕天下之

良劍也或曰辟閭即湛盧也言湛然如水而黑色

驊騮驪騮讀為驥纖離綠耳此皆古之良馬也注皆周

名駿大戴記武王劍銘曰帶之以為服動必行德

周桃氏劍考工記桃氏為劍劍以止暴桃以辟不祥類臘廣二

劍戟

有半寸兩從半之以其臘廣為之莖圍長倍之

五其莖長重九鈔謂之上制長三尺上士服之士勇力

士者樂記所貫之士說劍身長四其莖長重七鈔謂之中制

長二尺中士服之身長三其莖長重五鈔謂之下制

此今之七首也長二尺下士服之因人之材力強弱列為三等

弓人亦有上制弓長六尺六寸中制弓長六尺三寸下制弓長六尺上中

下士服之以長者為上七次者為中士短者為下士

鹽鐵論以道德為軸以仁義為劍莫之敢當湯武之

也

周錕鍔劍

萬曆丁亥年

三

監生賀本

孔叢子陳士義第十五秦王得西戎利刀割玉如割

木以示東方諸國魏王問子順曰古有之乎對曰周

穆王征西戎西戎獻鋌鋌之劍長尺有咫鍊鍊子一作練

鋼赤刃用之切玉如切泥焉是則古亦有也注十洲記作西

胡獻昆吾刀切王如切土又見列子湯問篇一云

昆吾之劍釋文云昆吾龍劍也河圖曰瀛洲多積石

名昆吾可為劍尸子云昆吾之劍可切玉龍魚石

周周戈 戈戟

漢書美陽鼎銘賜爾旂鸞黼黻矧戈張敞謂周所以

褒賜大臣冬官冶氏為戈戟注戰今三鋒戟也

左傳昭十五年王曰襄之二路鉞鉞秬鬯文公晉受

之

鉞斧也鉞金鉞也

相如賦楚王建千將之雄戟

周鸞刀 漢鸞刀

詩信南山執其鸞刀以啓其毛取其血管注刀有鸞

者言割中節也疏鸞卽鈴也刀環有鈴其聲中節

禮器割刀之用鸞刀之貴反本脩古不忘其初也正

義割刀今之刀鸞刀古之刀也今刀便利可以割物

之用古刀遲緩用之爲難宗廟不用今刀而用古刀

脩古也

公羊注宗廟割切之刀環有和鋒有鸞

郊特牲鸞刀之貴貴

其義也聲和而後斷也正義取其鸞鈴之聲宮商調

和而後斷割其肉祭統君執鸞刀羞齊夫人薦豆

祭義祭之日君牽牲既入廟門麗于碑卿大夫袒

而毛牛尚耳鸞刀以割取腍臂乃退張衡東京賦

執鸞刀以袒割奉觴豆於國叟

莊子庖丁奏刀騞然合於桑林之舞文選注引六

韜書刀銘曰刀利磴磴

周赤刀容刀

書顧命赤刀大訓在西序注寶刀赤刃削也疏吳錄

有白削然赤刃爲赤削白刃爲白削鄭氏注武王誅

紂刀赤爲飾周正色考工記桀氏爲削鄭之刀詩

瞻彼洛矣。韠琫有珌。注容刀韠也。琫上飾珌。下飾天
子玉。琫而珌。珌諸侯壘琫而璆。珌大夫鐐琫而鏐。珌
士瑒琫而瑒珌。出三朝禮說文注同箋旣爵命賞賜而加賜容
刀。有飾顯其能制斷也。公劉何以舟之。維玉及瑤
韠琫容刀。注下曰韠上曰琫。容刀言有武事也。正義
容飾之刀。韠刀鞘琫鞘之上飾。衛風容兮遂兮垂
帶悸兮。箋容容刀也。左傳藻率韠鞞昭其數也。注
韠佩刀。削上飾鞞下飾。

魯寶刀

穀梁傳僖元年冬十月壬午。公子友帥師敗莒師于

麗獲莒拏公子友謂莒拏曰吾二人不相說上卒何
罪屏左右而相搏左右曰孟勞孟勞者魯之寶刀也
公子友以殺之典論曰周魯寶赤刀孟勞又曰周
有雍狐之戟屈廬之矛狐父之戈管子雍狐之山發
尤受而制之以爲雍狐之戟芮戈博物志豁子之弩狐父之戈
柳宗元晉問大鹵之金崇谿之工火化水淬器備以
充出太白招蓐收召招搖伏蚩尤若雪山冰谷之積
觀者膽掉目出寒液天氣盡白日規爲小鑠雲破霄
跼墜飛鳥

吳湛盧劍

吳越春秋楚昭王得吳王湛盧之劍於牀召風湖

或作

胡子而問曰是何劍也曰臣聞吳王得越所獻寶劍

三枚一曰魚腸二曰盤郢三曰湛盧今湛盧入楚也

越王元左傳史記作名常使歐冶子造劍五枚以示薛燭燭

曰湛盧五金之英太陽之精服之有威可以折衝拒

敵去無道以就有道故入楚此劍在越之時客有酬

其直者有市之鄉三十駿馬千匹萬戶之都二是其

一也雖傾城量金珠玉盈河猶不能得此寶

越絕

書闔閭無道湛盧之劍去之入水行湊楚秦王求之

楚王不與**宋志**閩中有山名湛疑湛山之鑪鑄劍

嘉靖丁巳年
王海卷四十五
六
監生陸徑刊

為湛鑪也

越五劍 吳名劍 楚三劍 吳粵劍

吳越春秋越王允常聘區冶子作名劍五枚一曰純

鈞一作二曰湛盧三曰豪曹或曰四曰魚腸一本作

絕書三曰莫五曰巨闕秦客薛燭善劍取純鈞示之

薛燭曰沉沉如芙蓉始生於湖觀其文如列星之行

觀其光如水之溢塘觀其文煥煥如冰將釋見日之

光王曰客有買之者以有市之鄉三駿馬千匹千戶

之都二其可與乎曰不可王造此劍之時赤堇之山

破而出錫若耶之溪涸而出銅兩師灑道雷公發鼓

一云擊橐

蛟龍捧爐天帝燹炭太一下觀區冶子因天地

之精造爲此劍雖傾城量金珠玉滿河猶不可與取

湛盧示之曰善哉服此劍可以折衝待敵人君有逆

謀則去之允常以湛盧獻吳吳王闔閭請干將鑄作

名劍二枚干將吳人與歐冶子同師陽曰干將陰曰

莫耶陽作龜文陰作漫理

越絕書越王句踐有寶

劍五聞於天下有善相劍者曰薛燭王問之王取豪

曹巨闕燭曰非寶劍也

考工記吳粵之劍

呂氏

春秋荆茲非得寶劍於干越

莊子干越之劍

文選張協七

命楚之陽劍歐冶所營邪溪之鋌赤山之精乃鍊乃

錄萬辟干灌豐隆奮椎飛廉扇炭注楚王名風胡子

問曰吳有干將越有歐冶子願請此二人作劍於是

風胡子之吳見歐冶子將使作鐵劍三枚曰龍淵太

阿工市

越絕書又云二人鑿
茨山洩其谿取鐵

子虛賦建干將之雄

戟注張揖曰干將韓王劍師也吳都賦純鈎湛盧

吳鈎越棘一初學記楚有龍泉秦有太阿工市吳有

干將鑊邪屬鏤越有純鈎湛盧豪曹魚腸巨闕諸劍

鹽鐵論棠谿之鉞淮南子苗山之鉞羊頭之鎡

越步光劍

史記子貢傳越使大夫種言於吳王曰奉先人藏器

甲二十領鉄屈盧之矛

越紀作勃盧

步光之劒以賀軍吏

吳王大說越王送子貢金百鎰劒一良矛二子貢不

受越絕書越王被棠夷之甲帶步光之劒以見孔

子

文選七啓注云賜夷之甲

曹子建七啓步光之劒華藻繁縟

飾以文犀彫以翠綠綴以驪龍之珠錯以荆山之玉

陸斷犀象未足稱雋隨波截鴻水不漸刃

秦昭王以三月置酒河曲見金人奉水心之劒曰令

君制有西夏乃霸諸侯因此立爲曲水史記自序

在趙者以傳劒論顯

漢斬蛇劒 佩刀 寶庫劒 靈金內府

干將 寶劍

劍寶

見寶玉類

紀高祖以亭長爲縣送徒驪山徒多道亡自度比至

皆亡到豐西潭中亭上飲皆解縱所送徒曰公等皆

去吾亦從此逝矣徒中壯士願從者十餘人高祖被

酒夜徑澤中令一人行前行前者還報曰前有大蛇

當徑願還高祖醉曰壯士行何畏乃前拔劍斬蛇蛇

分爲兩道開行數里醉困卧後人來至蛇所有一老

嫗夜哭人問嫗何哭嫗曰人殺吾子人曰嫗子何爲

見殺嫗曰吾子白帝子也化爲蛇當道今者赤帝子

斬之

秦襄公自以居西主少昊之神作四祠祠白帝自獻公時際陽雨金以爲瑞作畦時祠白帝赤